

四庫全書

子部

欽定四庫全書

子部

普濟方卷三百九十四

編修臣倉聖脈覆勘

總校官進士臣繆琪

校對官中書臣李斯咏

謄錄監生臣王爾熙

欽定四庫全書

普濟方卷三百九十四

明

周王朱橚

撰

嬰孩吐瀉門

總論

夫小兒吐瀉因傷風冷或傷暑熱或兒啼未定氣息未調以乳乳之逆於上則停胸膈致令嘔吐氣逆於下則傷腸胃致令泄瀉上下氣逆吐瀉俱作若只吐不瀉者逆其吐必有痰發驚者十無一生若只瀉不吐或吐瀉

俱發者日久不退亦變陰癰治之當斷其乳輕者週時  
重者三日須與稀粥服藥速効十全八九或者不信是  
言小兒以乳妳為本慮其嘔煎不肯暫斷殊不知因乳  
所傷致令此病若以所傷乳乳之如抱薪救火藥何功  
之有不然則誠難以安痊其間不斷乳服藥得安者蓋  
輕患也亦有因輕致重天橫者多矣 凡小兒初吐發  
驚者尚可救治以玉散子青金丹不退珍珠丸急下之  
次與神寶丹若唇紅焦者琥珀散蓋內熱故也不退必

死又云吐奶不止大便不通面黑氣喘必死不治凡權  
斷乳候吐瀉定捨去乳少少與之使不再作凡吐瀉服  
藥須要令飢如服了不得便喫物喫乳則引吐再為害  
也凡小兒暑月吐瀉冷熱輕重各有治法不可槩用如  
吐瀉身熱煩渴心慄大便黃沫小便赤少暑瀉也黃龍  
九甘露散白虎湯香薷湯五苓散杏仁九有傷食者必  
吐瀉酸臭妙九予下之次益黃散二者不退如小便通  
利大便秘白色腸鳴吐瀉多渴少食附香九參朮附散朮

附膏半硫丸神寶丹防驚其間有糞白腥臭油膩便成  
疳瀉有久成疳瀉者亦有治法 小兒泄瀉傷積而作  
瀉者初以補藥治不止之時須當下去其積積下其瀉  
自止下之宜與小沉香煎丸理虛中積甚良多與服之  
或以小塌氣丸又不下更與三稜煎服切不可意轉  
藥恐成滌蕩矣積滯已下與服調胃溫脾藥及既濟丹  
此乃理積止瀉夏月暴瀉由其臟寒虛滑利泄速與契聖  
丹如滑不禁進殭腸散次與契聖既濟丹若洞利其瀉

不常發作駭人速與滯腸未了次與木附湯稍與遲緩  
其候必更療瀉之理豈可相待 夫自汗不利者由血  
不榮虛於表也自利無汗者由氣不衛虛於裏也其或  
有自利亦自汗者榮衛皆虛也凡為人止藉血榮氣衛  
扶育身體血既不榮氣又不衛裏外不相忝上下不升  
降關竅不開通經絡不調適榮衛不循環臟腑不充實  
則醫工何以良餌性命何以保持夫水穀不分自利腸  
胃怯弱自利臟腑不和冷熱相制自利陰陽不調自利

榮衛不順自利已上自利皆由氣虛得之初生小兒忽爾自利者與順胃平調陰陽制其冷熱和其臟腑分其水穀生其胃氣則內外充實何泄利有作宜以參苓白

朮散加以車前瞿麥薑棗同煎更量虛實加減

錢氏論篤病訣

安去黃承務子二歲病瀉衆醫止轉瀉十餘日其証便青白乳物不消身涼加噁氣皆睡醫謂病困篤錢氏先以益脾散三服補肺散三服三日身溫而不噁氣後以白餅子微下之又與益脾散三服利止何以然利本脾虛傷食初不與大下惜置十日上實下虛脾氣弱引肺亦虛補脾肺病退即身溫不噁氣是也有所傷食仍下之也何不先下後補曰使青為下臟冷先下必太虛先實脾肺下之則不虛脾更後補之也又云小兒傷於風



冷吐瀉醫謂脾虛以溫補之不已後用冷藥治之又  
不已謂本傷風醫亂攻之因脾氣積虛內不能散外不  
能解至十餘日解証多眩露睛身溫風在脾胃故大便  
不聚而為瀉當去脾間風風退則痢止宣風散主之後  
使君九補其胃然錢氏用宣風散去脾風使君九補胃  
雖用有理其治未周錢氏治此病先以益黃散三服補  
令脾胃氣實蓋宣風散用牽牛槓榔等痢藥先補脾後  
宣風散去脾風後神實丹使君九治之此法多愈語人  
曰錢氏經用宣風其理若何答曰失多矣余所以先用  
益黃散者譬曰彭祖觀井自繫大木仍以車輪覆其上  
然後散觀之為防其虛而無失也趙不辱鈴轄女四  
歲七月中瀉食物不化水穀不分多渴少食進退四十  
餘日召醫或作食或作水瀉痞瀉或用五苓散紫丸子  
六神九益黃散并雜藥攻之無效在後見聞食名揗口  
哭而噦時時煩召余視曰渴飲過多脾胃受濕則水穀  
不分兼畏食而物不化是脾虛中有積主人曰何知也

答曰素問云脾胃受濕則水穀不分孫氏曰脾虛者畏食進退者有積又問曰何治也答曰益黃散紫丸子二藥可主笑曰服多矣答曰譬如聚千夫舉重不得一烏獲扶萬矢以妄射不如得一逢蒙大抵藥不得其當雖多亦奚以為益前醫用藥不知次序連序服不知多少補瀉不知輕重所以無效今用益黃散補一日六服進三日即微食與紫丸子瀉三五次再益黃散補一日六服連進三日喜食瀉止尚有渴以參朮散十日安主人問曰久瀉之病何再瀉也答曰經云邪之所湊其氣必虛補其虛而後其病除也今病因食積留滯先補次除所畜之物然後再補之主人曰善國學劉傑秘授子年四歲六月中瀉泄朱穀不化數醫止轉月餘不退召余視之見兒食田雞肉少頃所食肉即從大便中經過遂問莫先食肉否曰近日食物不化并藥丸隨大便中出余曰食廩不藏是門戶不守也得守者生失者死此子脾虛之甚余自歷醫未嘗見有經過之食乃失守

之病也宜用附子主人曰莫太燥余曰江河欲竭引別  
派以還流燈燭將殘假他油而再熾此蓋陰之至極須  
當以陽藥急救之主入聽用余用附子皂心土訶子為  
丸朱湯下一日六服連進三日即大便漸疎食尚未化  
與朮附膏煎冷一日四服病退一半與益黃散頓服一  
日冷進六服進三日糞稠而未穀化後參朮散六神丸  
前後共治十日安愈主人曰皂心土何意也余曰治病  
之法須揣本以尋末沂流而討源其所由蓋脾屬土益  
土附子訶子接助脾氣問曰藥何冷服曰冷服熱不炎  
上治法出何書余曰若執古法守株待兔也林友編  
修孫男三歲六月中瀉利不止視之見瀉糞酸臭如片  
不化又有黃水小便赤少知傷熱乳也當斷乳一日服  
千金九五苓散即效林惜不肯斷乳服藥三日病增欲  
以感應丸下益黃散補助林不信自將白朮散金粟服  
三日不效又易一醫以火煨龍骨赤石脂炮木香訶子  
服三日瀉甚台余曰理當下食斷乳即安今病虛耗亦

當斷乳非附子不能起生林大不信至長楫而退至三更驚疼氣急唇口手足俱冷煩渴大瀉乃急召余曰病已後時素問曰夫病以成而後藥之亂已成而後治之譬猶渴而掘井闕而借兵不亦晚乎林漸請試救之余曰還舞為戔則宮室皆動何不止其乳則吐瀉則宮室自定傷乳吐瀉則精神昏憤何不止其乳則吐瀉自止巢氏云小兒霍亂須暫斷乳今當斷乳三日頻與稀粥隨証服用子林從以附子末半錢薑棗煎水中頓冷服半盞至四更又進二服病少減五更與神室丹二服退七分來日依前一服相間神室丹後參朮散千金九三日病除時與少姪調理五日全安林問曰純陽小兒何散用附子余答云譬賊害良民兵刃不可不用病勢既成毒藥不可不投蓋攻其外邪容氣烏能傷其本哉陳氏二子大者五歲腹疼陣陣嘔吐酸臭次者三歲食物不化瀉真酸臭召余視之並用紫九子下之益黃散補之主入曰受病不同何用藥同答曰大者腸疼吐酸因食傷

也宜下之孫氏云腹內疼成陣來時嘔吐酸如因傷食  
得瀉補自然安小者泄瀉酸臭亦傷食也法當溫之虛  
秘方云食瀉重當瀉脾虛用補虛再傷宜再取何惠病  
難除二子瀉補俱安凡有積聚當下即下凡有虛損當  
補即補隨其虛實而用也仁存孫氏曰吐瀉變生便  
惡心乾吐霍亂汗相侵舌出唇緋雙眼閉搖頭髮直一  
如針心悶氣粗而脇動口生白沫命難存來生此候須早  
理有瘡脾開命沉沉錢氏論云小兒初生三日內吐  
瀉壯熱不思乳食大便不消或白色當下之是傷食  
也後和胃下用白餅子和胃用益黃散主人又云小  
兒初生三日已上至十日吐瀉身溫涼不思飲食大  
便青白色乳食不消此上實下虛也若更兼見肺証  
主睡露睛喘氣心主驚悸飲水脾主困倦多睡肝主呵  
欠煩心腎主不語畏明當瀉兒黃藏補脾益黃散主之  
此上証多病於秋夏也又云秋夏吐瀉五月二十五日  
已後吐瀉身壯熱此熱也小兒臟腑十分中九分熱也

或因傷熱乳食吐乳不止瀉深黃色玉露散主之六月十五日以後瀉身溫似熱臟腑六分熱四分冷也嘔吐冷熱不消瀉黃白色似渴或食乳或不食乳前少服益黃散食後多服玉露散七月七日以後吐瀉身溫涼三分熱七分冷也不消乳多似睡問多更氣長出氣睡露睛唇白多噦欲大便秘不渴食前多服益黃散食後少服玉露散八月十五日以後吐瀉只冷無陽也不能食乳乾噦瀉青橘水當補脾益黃散主之不可下也又云吐瀉爭工廣親北宅四大王宮五太尉病吐瀉不止未穀不化衆醫用補藥薑汁調服六月中服溫藥一日而加喘吐不定錢曰當以涼藥治之所以然者謂傷熱在內也用石膏湯三服并服之衆醫皆曰吐瀉多而未穀不化當補脾何以用涼藥王信衆醫又用丁香散二服前後至日不可服此三日內必服滿身熱飲水吐逆如所言所以然者言六月熱甚伏入腹中而今引飲熱傷脾胃即大吐瀉也醫又行溫藥即上焦亦熱故喘而飲三

日當死衆醫不能治復召錢至宮中見有熱証次白虎湯三服更以白餅子下之一日減藥二分二日三日又與白虎湯各二服四日用石膏湯一服旋合麥門冬黃芩腦子牛黃天竺黃茯苓以朱砂為衣與五九竹葉湯化下熱退而安云馮承務子五歲吐瀉壯熱不思食錢氏曰目中黑睛少而白睛多面色眊眊白此子必多病面色眊眊白神甚也黑睛翳也睛屬水本怯虛而故多病也縱長成必飢渴不壯不奈寒暑易入脾胃亦更怯虛不可縱酒慾若不保養不過壯年面上常無精神光澤者如婦人之失血也今吐痢不食壯熱者傷食也不可下下之虛入肺則嗽入心則驚入脾則瀉入腎則益虛此但以消積丸磨之為微有食也如傷食甚則下不下則成癖也實在內乃可下之下畢補脾必愈若隨其虛實無不效者又云廣親宮七太尉七歲病吐瀉是時七月其証全不食而昏睡睡覺而悶亂哽氣乾嘔大便秘或有或無不渴衆醫作驚治疑故睡也錢曰先補脾後退熱

與使右子九補脾石膏湯退熱次日又以水銀錢硫黃  
二物末之生薑水調下一字錢曰凡吐瀉五月內九分  
下而一分補八月內十分補而無一分下此是脾瀉也  
醫妄治之至於虛損下之即死當只補脾若使君子丸  
即緩錢又用溫胃益脾藥止之醫者李生曰何食而呃  
錢曰脾虛而不能食津少即欬逆曰何瀉青褐水曰腸  
胃至虛冷極故也錢至而愈又凡小兒吐瀉當溫補之  
余每用理中丸以溫其中以五苓散導其逆連與數服  
兼以異功散等溫藥調理之往往使愈若以虛損當速  
生其胃氣宜附子理中丸并金液丹研末煎生薑朱飲  
調灌之惟多乃效胃氣已生手足漸煖陰退陽回然猶  
癰瘕即減金液丹一二分增青州白丸九子壹二分同研  
加上服以意詳之漸減金液丹加白丸九子兼用異功散  
羌活膏溫白丸鉤藤飲子之類調理至安仍頻與躬雖  
至危亦於死中救生十得八九 儒門事親書云小兒  
身熱吐瀉腹滿不進飲食可急與半黃連枳實過四五



行則自愈矣蓋乳食便屬水甚則成濕以治濕法治之用燥藥非也又水瀉不止可用五苓散益元散各停用新水調下二三錢頻服不拘時若暴速注下甚者屬大涼腸通聖亦可治之用者勿輕非深於造化者未易語此又久瀉不止至八九月間變為秋深冷痢泄瀉者清白時撮痛乳癖不化可用養脾丸如黍米大每服二三十丸欲飲米下三日愈益黃散亦可湯氏云小兒熱瀉者大使黃而赤或有沫乃臟中有熱積成因產母飲酒多或生下傷濕蘊熱醫者不明但用訶子豆蔻等藥如水洗石既不識証故不辨冷熱用藥又不得法所謂讀方三年而恨無病可治及至治病三年無方可用信乎紙上之語不可全憑一則悟得其理二則求師指迷三則聞見頗多如此方有通透之理不然咫尺千里也雖有治法妙方而不能別其寒溫虛實又安得其理哉宜服黃連等藥小駐車丸亦可服之又冷瀉者乃脾虛受冷至今水穀不化泄瀉注下若依錢氏當以益黃散主

之此地古人以此藥為補殊不知今人所稟不同內青皮有吐却可服又傷食瀉者又名聚腹不宜即補先用食藥或紫霜丸取其精盡然後可補又曰此瀉難止亦不宜補再傷又瀉宜節飲食用進食丸取下積令盡次以錢氏加減益黃散一服可止此切要治法漢東王先生家寶小兒吐妳說云小兒吐妳有數般或是風疾所至則其吐可止也吐妳更夾痰繞吐却即生風若止却後其風無止處更入外風則潮心悶胃管後變驚風胃主四肢胃疾涎閉却即搐心主神被外邪所干即驚不定故變驚風也故止主吐即驚風發手足搐搦口眼譙張頭項強舉雖多服各藥亦不能救又小兒吐妳鼻青容風傷肺容風外風也鼻青肺之外應也夜間煩躁肺氣逆而為之也身上發熱肺主身之毛皮邪所傷故發熱宜下傷寒藥後平胃氣耳又小兒吐妳唇黑多哭是傷脾須夫疾也唇是脾之外應食所傷故黑其夾痰者脾能生涎故痰衝胃而吐妳食又小兒吐妳身熱其

妳成片子者是胃有熱積久則生風也其人四肢生瘡  
多渴面黃是也若吐不化夫青水是胃冷其人必面青  
唇白是也宜煖胃止之又小兒乳食不化腹急氣逆病  
証須進塌氣丸二三服不却胃腸却進觀音散二三服  
但生胃氣藥皆可以意與文之又乳母不忌口食生冷  
物冷氣入乳則腹變環又不捨除之仍以此乳乳兒冷  
乳入腹與胃氣相逆則腹脹氣逆肚疼或為瀉亦依前  
項藥調理如果不退却用兔活膏治之錢氏論云生  
下吐初生小兒拭小兒口中穢惡不盡咽入喉中故吐  
木瓜丸主之又曰傷風吐瀉身溫乍涼乍熱睡多氣粗  
大便黃白色吐嘔乳食不消時咳嗽更有五臟魚見証  
當煎入藏君臣藥先大青膏後益黃散如先曾下減無  
下証慎不可下也此乃脾肺受寒不能如食也王氏  
子三歲口吐不瀉自吐數次昏困連日不消大便堅實  
呂余曰是本傷食吐逆不合昏困唇紅此疾大逆以妙  
九子定吐消琥珀散鎮驚權佳妳一日吐定喫物不用

大便未通主人以為無事更不服藥因與乳多再吐痰乳而復昏因愚曰不可再吐又時時虛氣大便亦不通面黑氣粗是形氣相失靈秘方云吐如不止大便不通面黑氣粗死急以珍珠九下痰食主人曰既吐何不用慢驚藥防之而用涼藥答曰本欲生急驚為傷乳食作吐法當溫藥蓋兒大便三日不通唇紅頰赤小便赤皆熱証也故先治食後以涼藥今吐雖定大便首尾五日不通內以四順飲外以蜜導法得通不甚多以宣風散去脾胃風再利糞令稀仍因不醒睡散二服因退喜食愚曰雖食而目鮮唇紅廢拭面目微腫虛氣不悅必欲發驚急以青金丹壽星丸射香餅琥珀散各二服不退乃解曰萬靈之要所全者形一身之先所存者氣今形氣已失知不久生也主人曰醫人之好利如此後易數醫周驚而卒別一子只吐神昏又一女只一吐聲啞二子皆三歲更不可救信乎吐之為害甚也

吐 嘔 附 論

夫小兒吐嘔者由乳哺冷熱不調故也兒乳哺不調則停積胃腸因更飲乳哺前後相觸氣不得宣流故吐嘔出診其脉浮無苦也又云嘔乳與嘔逆不同宜細詳之嘔乳飽後嘔出者是又云小兒生下有中吐嘔妳形候妳不穩而從口角頭流出身微熱口鼻微冷面目青黃眼慢此候因乳母房室淫泆兒子叫更將乳與喫而陰陽不順兒子胸膈不快喫乳停滯在於胃不消化而冷

致此所治者先以睡驚沉飲子夾丁香散與服夾活脾

散調理即愈

歌曰乳母寒溫不節量致令壅滯在胸堂  
更加新乳相投觸不得通宣入胃腸此名

呢妳須調理診得輕浮尚不妨口眼時時動不停吐中  
時覺乳生腥眼渾青碧生白膜汗出津津脚似水氣細元  
因傷胃冷氣粗却是欲生驚是風從脾宜醫治煖胃和  
脾氣乃平此候寒熱相勝使然也氣急則是胃實當涼  
則愈若顛門陷下氣細當生胃氣若渾身熱甚者氣出  
喘粗若不急治必作入云此候是驚妳衝胃或氣交妳  
衝脾或是氣妳或是病妳致吐遠聞腥氣與蚍蚉丸氣  
細脉沉與調胃散

方

當歸湯治小兒吐呢

當歸 黃芩 甘草 芍藥 黃連 各一分 細辛

乾姜 各二分半

右切以水二升煮取八合服半合日三溫服

黃耆湯治小兒吐衄胸中冷氣停結

黃耆 人參 各三分 當歸 切焙 芍藥 甘草 炙 芍藥 各一分

兩細辛 去苗葉一分

右粗搗節每服一錢水七分盞煎至四分去滓分溫二服早晚各一量兒大小加減

藿香散治小兒吐衄嘔逆身熱面青不進乳食

藿香

一錢半

丁香

人參

白朮

茯苓

神麴

匾豆

各半錢

右為末每服半錢嬰粟飲溫調下陳皮煎米飲亦得

豈寇散治吐衄

肉豆寇

麴裏炮赤熟去麴為末

草薢

炮去皮各一兩

硝砂

去皮

甘草

炙

肉桂

不見火各一錢

陳皮

半錢去白

右為末每服半錢米飲調下



麝香湯治小兒吐衄胸膈痞滿乳飲停積

麝香

研

木香

人參

沉香

剉

赤茯苓

去黑皮  
各一分

丁

香

半  
分

右粗搗篩每服半錢水半盞煎數沸去滓分溫二服

藿香散治吐瀉

藿香

半  
兩

何首烏

白扁豆

甘草

炙

糯米

各等  
分

右為細末半錢用水一小盞入淡竹茹煎至七分臨

卧空心服

治吐妳腹脹方

代赭石

麝香

巴豆

各一分

赤石脂

杏仁

各半兩

右為細末蜜圓如桐子大米飲下日三小一九百日

一歲二九

橘皮湯治小兒吐哕膈上冷

方見本門嘔吐類

消乳丹治小兒飲乳過多胸膈不快或多吐哕大便秘

辦不消亦宜令乳後常服

木香

丁香

青橘皮

炒黃

肉豆蔻

各半兩

牽牛子

炒黃

錢一

右為末滴水 and 九如針頭大每服三粒至五粒粘在  
妳頭上令兒吮之

鹽黃散治小兒初生吐不止

鹽

兩黃  
米大

牛黃

兩粟米  
大研

人參

白茯苓

各一小  
豆大

甘草

兩小豆  
大炙

右搗研四味為末九以乳半合煎三五沸入牛黃末  
攪勻分減服之

小兒嘔乳方此證嘔哺吐下狀如霍亂

甘草

炙

人參

當歸

乾薑

各一分

右為末水一升煮取五分服三日內麝香半分尤佳

葛蒲丸治小兒吐乳喘促

葛蒲

人參

去頭

赤茯苓

各半兩

右為末煉蜜和丸麻子大每服三九以生薑湯化下

量兒大小以意加減

人參散治小兒吐乳令乳每服

人參

一兩去  
蘆頭

生薑

切焙  
乾

陳橘皮

湯浸去白  
焙各半兩

右為散每服三錢以水一中盞煎至六分去滓分溫

二服令兒久飲稍乳效一方有蘇葉

治小兒吐奶方

雄黃

馬牙硝

各一分

壁魚兒

五枚

右藥入磁碗內研如泥以乳汁半合調之使藥注子

內灌少許把兒頭項擡吐出黑血即定

治小兒咬奶吐下方

豆蔻 母丁香 宣連 各一兩

右為散空心米飲調下半錢

玉真散治小兒吐乳

白朮 半兩 半夏 七個 椒 半分 去目汗

右為末每服半字水一呷調下大者一字

青皮散治嘔妳

青皮 滑石 硫黃 各一錢

右為末每服半錢藿香湯調下

麝香丸

麝香

一錢研

丁香

搗末

杏仁

去皮尖雙仁炒研各一分

右為末以粟米飲圓如麻子大每服五丸人參湯量  
兒大小研下傳氏活嬰內有麻黃無丁香秦肉為丸

丁香丸治小兒乳後吐衄不止

方見本門痢類一作散

治小兒傷食吐乳方

丁香

石連肉

枇杷葉

薑汁塗炙熟各等分

右為末每服一錢半飲調下

玉露散治小兒吐妳面色赤熱煩燥

不灰木

煨

滑石

等分

右為細末每服半錢或一字生油并水調下

治吐妳方

母丁香

三七粒

殭蠶

七個洗淨去粉炒

右焙乾為末每服一字煎棗湯調

治小兒吐妳方

生薑

橘皮

等分



右煎湯與乳母服乳兒效

枇杷葉散治小兒吐乳不定

枇杷葉

拭去毛微炙黃色

母丁香

各一分一方只用丁香

右為散令乳母乳頭上塗一字與兒吮之兒大煎棗湯調下不拘時

又方

生地黃

汁

人參

各一合

右粗和煎三五沸徐令兒服之

鹽鼓丸治小兒嘔乳不止宜服此立效兼小沉香煎丸

賦鼓

七粒口內含去皮

膩粉

一錢七

右研圓如麻子大每服三九至五九藿香湯下乳頭

吻亦得

莎草根散治小兒吐乳

莎草根

炒去毛

甘草

炙剉各半兩

右為散每服一錢水七分盞煎至分去滓分溫二服  
早晚各一量兒大小加減

人參湯治小兒吐乳母服

方見本門  
噦逆類

妙功散治小兒吐奶不止

用藜蘆

洗焙

為末以少許吹入鼻中噴三兩次立止

治小兒吐乳四肢皆軟謂之中人

用桂心三兩水二升煮取一升半分三服又以濃滓

塗五心常令溫煖

暖胃正氣湯治小兒吐乳及治霍亂吐瀉用核木皮以

水煎服生廣南如桑株

治小兒吐奶方

取田中地龍糞一兩研末空心粥飲調下半錢不過  
三二服愈又方以韭根汁滴缸大入口中差

治小兒吐乳黃色方

以驢乳喫令大腸稍稍得利即毒氣便散

又方

取新熱馬屎一塊統汗半合灌之效

小兒百日内積痰在胸膈吐乳方

取書中白魚七枚燒灰細研以乳調一字服之

又方

取故壁下鼠蛭七枚炙令焦細研以乳汁調半字服  
又方保安散治小兒胃氣虛損因成吐衄

五倍子

一個生用  
濕紙裹煨

右為細末每服一錢朱泔水調下不拘時候若稟受

怯弱用湯豉盪過

平江所刊李侍郎朝正編類集本草方中余長子小孫服之皆効

異功散治吐乳胃虛

人參 白朮 茯苓 陳皮 肉豆蔻 木香

藿香葉 甘草

各等分

右為末每服一錢冬瓜仁湯下欲止吐住瀉陳皮米

飲調下

觀音散治身冷吐乳加全蝎慢驚陰癇

人參 白朮 白茯苓 陳皮 扁豆 蓮肉

藿香葉 薏苡仁 丁香 甘草

各等分

右為末每服一錢木瓜蘇鹽湯下如風痰在胸停積

而吐則與小紅丸

治小兒吐乳

母丁香

不拘多少

右為末飯丸如芥子大每服五七丸鉛白霜湯下作散子煎亦得

吐乳不止恐成痺方

靈砂

一粒

青州白丸子

右同研為末米飲調下量兒大小與之吐久虛者對

用靈砂親試有效

治小兒吐乳大人吐食

用仙人杖水煮服

治小兒吐乳補虛羸止渴

以牛乳入生薑葱白煎量服

噦逆 附論

夫小兒氣弱不能勝乳致乳滿胃中氣既不得傳導復過呼吸風冷則使胃氣上逆故令噦又胃中虛冷其人



不能食者飲水即噦能節其乳食仍涓氣則噦自愈矣

方

木香丸治小兒脾胃虛寒噦逆不止

木香

草豆蔻

去殼皮

青橘皮

去焙

白檳榔

剉陳橘皮

肉豆蔻

去殼一果

京三稜

炮剉一兩

右為末麴糊和丸如綠豆大每服五丸溫生薑湯下

或棗湯下量大小加減

人參丸治小兒胃寒多噦

人參

白茯苓

去黑皮

陳橘皮

去白焙

白朮

半夏

洗湯

去滑各半分

甘草

炙剉乾薑

炮各一分

右為末麴糊和丸如黃米大每服十九或五九煎霍

香湯下量兒大小加減

肉豆蔻丸治小兒胃虛不思乳食噦逆腸悶

肉豆蔻

去皮一枚

生薑

切焙乾一錢

木香

一錢

青橘皮

浸去白焙一分

人參

一分

白朮

一分

右為末白麴糊丸如菽豆大每服五九米飲下不拘

時

訶藜勒散治小兒吐噦不止

訶藜勒皮

分一人參

檳榔

剉

甘草

炙

陳橘皮

湯浸去白

炒沉香

剉各半兩

右為散每服一字或錢半至一錢七量兒大小煎麥

藥湯調下

人參丸治小兒胃寒多噦不入乳倉

人參 白茯苓

去黑皮各一分

白朮

木香

山羊

丁

香

右為細末白麴糊丸如綠豆大每服七丸乳前生薑湯下量兒大小加減

丁香補胃丸治小兒胃氣虛噦逆

丁香

錢一藿香葉一分附子

炮裂去皮臍二錢

定粉

炒檳榔各

一分

右為末滴水丸如桐子大每服一九至二丸米飲下不拘時量兒大小加減

丁香散治小兒噦不止

丁香

藿香

白茅根

各一分

人參

半兩去蘆頭

花葉桑

一兩微治吐逆  
不定方各一分

右為散三四歲兒每服一錢以水一小盞入生薑少

許煎至五分去滓不拘時熱服量兒大小加減治乳

生薑不用

人參散治小兒噦逆不止心神煩悶

人參

去蘆頭

白朮

白茯苓

各半兩

甘草

炙微赤剉碎

右為散每服一錢以水一小盞煎至五分去滓不拘  
時稍熱服量兒大小以意加減

麥門冬散治小兒多噦心胸煩悶

麥門冬

一兩去心焙

甘草

一分炙微赤判

人參

去蘆頭

陳橘皮

湯浸

去白  
新焙

厚朴

去粗皮薑汁塗炙  
今香熟各半兩

右為散三四歲兒每服一錢水一小盞煎至四分去  
滓稍熱頻服量兒大小加減

枇杷葉散治小兒胃氣虛冷噦逆不止

枇杷葉

炙去毛

丁香

各一錢

白茅根

人參

各一分

右為細散每服半錢或一錢煎馬齒莧湯調下不拘時量兒大小以意加減

遂愈散治小兒噤逆不止不進乳食及吐瀉霍亂不安煩燥不得睡腹脹小便赤澀煩渴悶乳傷寒霍病皆効

滑石末

一錢

丁香

二七粒為末

藿香末

半錢

右同研勻細每服一字或半錢生油調下量兒大小

加減

草豆蔻散治小兒噤不進乳食

草豆蔻

三枚  
去皮

甘草

一分炙  
微赤剉

人參

半兩去  
蘆頭

右為散每服一錢以水一小盞煎至五分去滓不拘  
時溫服量兒大小加減

麝沉散治小兒噤逆

麝香

研

沉香

剉各  
一兩

右為細散拌勻每服半錢或一錢沸湯點服量兒大



小加減

消乳進食治小兒噦逆腹脹

陳橘皮

浸去白  
焙乾

生薑

去皮切一味同  
炒黃色各一兩

右為末水浸炊餅心和丸如麻子大一二歲兒橘皮  
湯下七九量兒大小以意加減

治小兒噦方

鹿角粉

大豆

等分

右為末相和乳調塗妳上飲兒

又方

生薑汁 牛乳

各五合

右煎取五合粉為二服聖惠方同以牛乳二合薑汁一合銀器中煎一沸一歲兒飲半合

人參散治小兒噦乳母服之

人參

三分去蘆頭

陳橘皮

一兩湯浸去白瓢炮焙

右為散每服三錢水一鍾入生薑半分煎至六分去滓熱服至夜三四服乳母服訖即乳兒效一方用乾

生薑

治小兒噦方

取牛乳一升煎取五合分五服無牛乳代煎三三沸服佳

黃耆茯神散治小兒榮衛氣虛精神不爽面無顏色唇口青白噦逆昏睡全不思食

黃耆蜜炙 茯神去木 甘草炙 天南星炮 白扁豆 防風

白附子炮 肉桂去皮 山藥 白芍藥已上十味各等分

右件吃咀每服二錢水六分盞生薑三片棗一枚煎至三分去滓溫服乳食前

嘔吐 附論

夫小兒嘔吐者脾胃不和也或啼呼未定而遽飲乳或因乳中傷冷令兒飲之皆致嘔吐蓋兒啼未息氣息未調遽令飲乳其氣尚逆乳不得下停滯胸膈胸滿氣急故令嘔吐乳母乘涼冷氣入乳乳變壞不捨除之因以飲兒壞乳入胃則令腹脹氣逆故變嘔吐又有小兒沐

浴不避風冷風冷與血氣相搏胃生熱蘊為嘔吐當審其形証冷熱法治之又嘔者有聲吐者出其物也是皆出於胃氣不和足陽明之經胃之脉絡陽明之氣常行則順今逆而上故為嘔吐蓋有胃寒胃熱痰水宿食攻之証又有傷乳氣妬之証非一故治法不同也楊氏曰吐嘔每大便秘上下壅遏氣不流行當思所以利導之明理曰嘔而脉弱微熱手足厥大小便自利乃虛寒之極是為難治千金方論云生薑乃嘔家聖藥為能散其

逆氣也金匱要略云半夏吐家良劑為能下痰飲也楊氏曰凡吐不問冷熱久吐不止胃虛生風必傳慢候若胃氣將絕不食厥當投虛砂蕪以生胃回陽熱劑研服

歌曰風冷吹雙乳壞氣須凝乳兒成嘔吐氣喘腹膨  
胸解脫當風下洗浴向簷迎喘中還喂妳氣逆在胸停  
皆成嘔逆病  
醫者貴調停又云吐証又有風壅吐即痰吐之氣吐即

類胃寒吐理之驚吐即類熱吐積滯吐即類冷吐氣逆  
吐即類食吐療

方

十珍餅子治小兒蕪大人嘔吐痰涎粥食難停無問新久者並宜

丁香 沉香 木香 桂去皮 藿香 肉豆蔻 吳

茱萸

洗焙乾  
各半兩

半夏

湯洗遍曝乾一  
兩生薑汁製

水銀

結砂  
子研

舶上

硫黃

各七  
錢半

右為細末同和勻煉蜜丸如小豆大捻作餅子每服十餅生薑湯下或化服亦可量病加減不拘時

調中正胃散治小兒中脘不和胃氣不正胃冷傷熱吐

逆煩悶神困力乏飲食不美虛弱思睡睡不安穩

加木

香名木  
香散

藿香葉 白朮 人參 白茯苓 甘草 陳皮

山藥 白扁豆 半夏麴 川白薑

炮各等分

右為末每服一錢水一小盞生薑二片棗半個煎三  
二沸服

正氣丸治小兒食傷臍冷逆不升降嘔吐不已胸膈留  
停積滯不化宜服塌氣丸或一向只作乾嘔噦聲頻



作並宜

一名香朴丸

藿香葉

厚朴

生薑製

陳皮

半夏麴

炙

白朮 白

茯苓

甘草

炙二錢

乾薑

錢一

三棱

炮二錢

右為末煉蜜丸如指大每服一九生薑棗子湯化開

與服

羌活膏治小兒吐逆不止

羌活

獨活

各去蘆

人參

白茯苓

防風

蚕頭者

肉

桂

去粗皮不見火

全蝎

炒水銀

各一分

硫黃

三錢頂水銀研

同上

右末入水銀硫黃煉蜜為膏每服旋劑嬰孩如黑豆大三歲如龍眼核大五七歲如龍眼大薄荷湯化下

肉豆蔻散治小兒脾胃不和憎寒壯熱腹痛嘔吐不納乳食並宜服此

一名白豆蔻散

白豆蔻 肉豆蔻 甘草 芎藭 陳皮

去白枇杷

藥

去毛炙各一分

黃耆

炙乾木瓜

人參

各半兩

右為末每服一錢水五分薑棗同煎三分去滓服一

方無肉豆蔻

參香散消寒痰治嘔吐

人參

去蘆

藿香葉

舶上丁香皮

丁香

白茯苓

各一兩

青橘皮

去白

木香

甘草

炙各半兩

右為細末每服一錢水一盞入生薑二片煎至五分

去滓放溫時時服

銀液乳香丸治小兒久吐不定

紅牙大戟

半夏

二味用

輕切焙乾

秤

漿水煮

粉霜各一

分

朱砂

膩粉

錢各一

水銀

砂子一  
皂子大

右為細末研勻用黃蠟鎔和丸如綠豆大每服一歲  
二九二歲三九以上量大小加減類研大麻仁水下  
砂仁散治小兒乳哺過飽嘔吐

砂仁

一分一  
方一兩

白豆蔻

橘紅

錢一

木香

一分炮一  
方用一錢

神

麝

一分炒一  
方用一錢

麥蘖

一錢  
炒

甘草

一錢  
炙

右為末每服半錢紫蘇湯泡飮調下

豆蔻散治小兒虛吐飲食之間便作嘔逆蓋由脾寒或

見無時吐後暈悶胸堂鬱結上下氣逆宜服香朴丸

肉豆蔻

一箇煨  
一錢

藿香葉

一錢

木香

丁香

白朮

白茯苓

甘草

炙各  
一錢

右為末煎藿香秦子湯調下一錢半生薑湯亦得

丁香湯治小兒吐逆

丁香

半桂  
分去粗皮  
一分

人參

半兩

甘草

炙半兩

藿香葉

一分乾

薑

炮製  
半兩

白茯苓

去黑皮  
一分

右粗搗篩每服半錢水五分盞同煎至三分去滓溫

服入棗煎更佳

益胃散快膈益脾止嘔逆

木香 丁香 藿香 陳皮 縮砂 白豆蔻

各一

分甘草

錢一

右為細末每服三字煎薑棗湯飛熱調下或加茯苓尤加

勻氣湯寬中止嘔吐

白朮

分三人參

丁香

厚朴

薑製炒

甘草

青鹽

各半

兩

右慢火炒香熱碾為末每服半錢至一錢沸湯點服

治小兒吐乳醫不瘥方

水精

一分

當門子

三枚

胡黃連

三分

乾蝎

一枚

火燒勿色

代赭

石

金箔

各二分

黃鹽

四分

陶隱居云鹽草粒粗用作魚鮮及醃菹

右同研令細勻於中夜取蟾酥為丸如黍米大一丸

至二九熱水吞下瘥

靈苑黑丸子主退熱定吐逆魚食傷方大人小兒俱治

山茵陳 蜀升麻

常山

各半兩

芒消

半兩

麻黃

去根一分

兩

官桂

去粗皮一分

附子

一箇燒黑留心

右同為極細末旋炒一大錢入杏仁二粒去皮尖燈  
燒黑存性巴豆粒壓去油寒食麴糊為丸如麻子大  
每服五丸吐不止茆根竹葉湯下熱攻瀉血蜜炒生  
薑湯下若吐血眼皆出血者生油冷酒下傷寒手脚  
心冷冷茶清下失音竹瀝酒下並每服五丸大人丸  
如綠豆大



王子湯治小兒吐不止

赤石脂

九珠

黃連

甘草

炙

乾薑

焙六片

黃芩

二錢

膠定

如指大

黃蠟

一彈子大

右水三升煮取一升內蠟并膠令洋盡為三服或四

五服以意加減

丁香膏治小兒吐逆兼治大人

丁香

藿香

各一分

硫黃

二分

柿蒂

十個

水銀

木香

各一

錢槐花

蠟茶

各半兩

右先研水銀硫黃令勻入在衆藥末內煉蜜和成膏以蠟裹大人一杏核大煎桑葉湯甚者三服小兒量大小加減一皂子大薄荷湯下

半夏湯治小兒大吐下心結堅食飲不下嘔逆欲死並霍亂後吐不止短氣煩滿

半夏

錢四

黃芩

甘草

乾薑

橘皮

當歸

人

參

各三分

右以水四升煮一升半二百日見服三合若腹痛加

當歸三分嘔逆甚加橘皮三分

人參散調中和氣止嘔逆除煩渴昏困多睡乳食減少  
無傷寒時氣胃氣不順吐痢止後躁渴不解

乾葛

二人

人參

一兩

白茯苓

去皮各一兩

木香

甘草

香葉

各一分

右為末每服一錢水一中盞煎七分去滓溫服不拘  
時

定吐紫金核治小兒一切嘔吐不止

半夏

湯洗七次黃製

人參

白朮

木香

丁香

藿香

各二錢半

右為極細末稀麪糊丸如李核大後用沉香一錢為末硃砂一錢水飛二味同研勻為衣蔭乾每服一九用小棗一枚去核細藥在內濕紙裹燒熟嚼與小兒服後以米飯壓之

丁香溫胃丸治小兒胃氣虛弱多痰吐逆乳食難停

丁香

錢二水銀

黑鉛

半成分與水銀結成砂子

白豆蔻

去皮一分

天

南星

一分漿水浸透軟切作片子焙令乾

右為末用黃蠟一兩鎔和成丸如綠豆大每服二九或三四九丁香湯下

白朮散治小兒吐嘔脉遲細有寒稟氣弱

白朮

人參

各二錢

半夏麴

二錢茯苓

乾薑

甘草

右為細末每服二錢水一盞薑三片棗一枚煎至七分去滓溫日二三服

消乳丹治乳哺不化停滯中脘或作嘔惡

丁香 木香 青皮 生肉豆蔻 京三稜 蓬

蓬

各等分

右為末稀麪糊丸麻子大每服五丸米飲下日二服  
溫膈散治小兒胸中有寒氣嘔吐不下乳食

人參

一分

訶藜勒

牛兩煨存性

丁香

一分

草豆蔻

一分去皮

甘草

一分陳橘皮

一分去白煨

右為散每服一錢水一小盞煎至五分去滓不拘時

服

治小兒乳哺飲食溫冷過多傷於脾胃腸脇脹滿多吐  
痰涎

人參 丁香 乾薑 半夏 白朮 陳皮

各一分

右為末麴糊和丸如麻子大每服十粒溫湯下

丁香散治小兒嘔吐不定

丁香 人參去蘆 白茯苓 木香 葛根 甘草炙

赤杷杷葉拭去毛微炙 麝半分

黃各一分 麝細研

右為末入麝同研勻不拘時以生薑湯調下半錢量  
兒大小加減

丁香散治小兒嘔心煩不納乳食

丁香

人參

去蘆

茆根

麥門冬

去心

焙各半兩

甘草

炙

剉

陳橘皮

湯浸去白

右為散每服一錢水一小盞煎至五分去滓稍熱頻  
服量兒大小以意加減

肉豆蔻丸治小兒脾胃氣逆嘔吐不止



肉豆蔻

去殼

木香

訶藜勒皮

硃砂

細研各一分

人參

半兩  
去蘆

麝香

細研  
一錢

右為末同研勻麪糊和丸如麻子大三四歲兒不拘

時粥飲下量小大加減

人參散治小兒嘔逆

人參

去蘆頭

白朮

乾薑

炮製

半夏

湯洗七遍  
炒令黃色

桑根白

皮

陳橘

湯浸去白  
焙各半兩

右為散每服一錢水一小盞生薑少許棗一枚煎至

五分去滓溫服量大小加減

養中湯養脾胃治嘔吐

大附子

炮製去皮  
尖臍一箇

沉香

木香

各半兩

人參

去蘆官桂

半夏

湯浸七遍焙  
乾各一兩

右為細末每服一錢水一小盞生薑三片煎至五分

去滓溫時服

良溫膈湯勻氣治嘔逆

丁香

草豆

去皮入參

去蘆各半兩

青橘皮

檳榔

甘

草各一分

右為末每服半錢入生薑自然汁少許溫湯下

真珠丸治小兒久吐諸藥不效者

水銀

砂各一錢

丁香

一分紅牙大戟

一兩半

乳香

五靈脂

末各半兩

右為細末用黃蠟九錢鎔入藥末攪勻和丸如粟大每服五丸煎馬齒莧湯下

香葛半夏散治痰逆嘔吐胸膈痞滯煩渴冒膺壯熱頭

痛

藿香葉 乾葛 牙硝 滑石 半夏 甘草

分 二

右為細末每服一錢水八分盞入生薑三片木瓜少許同煎四分去滓溫服不拘時

朱沉煎治小兒嘔吐不止

硃砂 沉香 藿香葉 滑石 丁香

二錢 水飛

二錢

三錢

半兩

十四箇

右為細末每服半錢用新汲水一盞芝麻油點成花

子抄藥在上須臾墜瀉去水却用別水送下空心

訶梨勒丸治小兒脾胃不和吐逆不止

訶梨勒皮

二枚煨  
去核

丁香

一錢陳橘  
湯浸去白  
焙一分

半夏

湯洗

去滑炮

人參

一分

右為末以生薑自然汁煮麴糊丸如綠豆大每服七

九薑湯下乳食前

麥門冬散治小兒嘔吐脉類有熱

麥門冬

去心半夏麴

人參

茯苓

各二錢甘草

錢一

右為細末每服二錢水一盞薑三片煎五分去滓溫  
日二三服

藿香散治小兒生十日至半月嘔逆不止

藿香

一分紫苑

一分洗去苗

甘草

半兩炙微赤剉

麥門冬

三分去心焙

桂心

半分

右為散每服一錢水一小盞煎至五分去滓溫以綿  
點取滴口中一日次第取盡

葛根散治小兒嘔煩渴

葛根 剉人參

去蘆

桑根白皮 剉白朮

陳橘皮

湯浸去瓢

焙各半兩

半夏

一分湯浸七遍去滑

右為散每服一錢以水一小盞入生薑半片大棗煎

五分去滓放溫量兒大小加減服

丁香散治小兒吐逆不定

方見本門  
噦逆類

丁香丸治小兒吐逆兼大人腹脹滿脇肋刺痛胸膈

痞塞不通此藥主消積滯生冷留宿食止痰逆惡心

霍亂嘔吐

丁香三兩肉豆蔻三十個

木香一兩半

五靈脂二十兩巴豆

去皮去油二百一十箇

右為細末入巴豆令勻麪糊和令得所丸如黍米大每服五丸至一七溫生薑湯下橘皮湯亦得食乳後服如霍亂吐逆煎桃葉湯下小兒吐逆不定三歲二九五歲以下五丸生薑桃葉湯下

萬安丹治胃虛久吐

半夏

湯洗七遍焙乾為細末

硫黃末

白朮

炮為末各一分

硃砂

半兩細研



水飛  
過 附子 一枚炮製去皮  
臍批為末

右同拌勻生薑汁和丸如黍米大每服十粒米飲下

菖蒲散和心胃治嘔吐

菖蒲 一兩寸  
九節者 丁香 人參 去蘆  
頭 木香 檀香 各半兩

右為細末每服半錢至一錢入生薑自然汁少許同  
白湯調放溫冷下量兒大小加減

藿香散治小兒脾胃不和吐逆

藿香葉 半兩  
山 人參 丁香 菖蒲 一寸九  
節者 半夏 薑汁  
製各

等分

右為細末每服一錢水一盞生薑二片煎至四分去

滓服

白朮散治嘔吐泄津液

白朮

一兩

陳橘皮

湯浸去白焙乾

人參

去蘆頭

桑根白皮

剉半

夏

湯浸七遍焙乾已上各半兩

右為細末每服一錢水一小盞入生薑三片煎至五

分去滓溫服

香葛湯治嘔吐後渴其津液燥少

藿香葉 白茯苓 甘草 炙各半兩 丁香 乾葛根 剉

人參 去蘆各一兩

右為細末每服一錢或半錢入麝香少許以生薑湯調下溫服量兒大小加減以意

枇杷葉散治小兒嘔吐煩渴

枇杷葉 去毛炙黃一兩 白茯苓 甘草 炙各半兩 人參 去蘆頭 丁

香 各半兩

右為細末每服半錢紫蘆湯下量兒大小以意加減  
與服

丁香散治小兒胃虛氣嘔吐不定精神羸困霍亂吐乳

一名參散

丁香 藿香

出枝梗  
各一分

人參

牛兩去  
蘆頭

右為散每服一錢水半盞煎至五七沸入乳汁少許  
去滓稍熱時時服不拘一方入乳香少許一方煉蜜  
為丸綠豆大每服三九粥飲下亦治孩子霍亂吐瀉

面色青冷汗或四肢冷

治小兒吐逆無吐瀉不止

丁香

藿香

各一分

木香

硫

半兩別研  
令極細

滑石

二錢  
研如

粉

右為末每服一錢或半錢米飲下量大小加減如瀉  
用附子一枚重半兩者炮去皮臍為末以薑汁搗成  
餅子將白麩裹之慢火煨麩熟去麩只將附子切焙  
再為細末每吐及瀉入末如藥三之一量虛實以米

飲下吐如激水者亦宜服

益中湯治嘔吐兼泄痢

人參

去蘆頭

青橘皮

丁香

各半兩

訶黎勒皮

一分

右加桂心一分草豆蔻三枚去炒同為末每服半錢  
米飲下

治翻胃嘔逆方

硃砂

硃砂

硃砂

各半錢

巴豆

十粒去油

柏子仁

七十粒

右為末用酸醋浸蒸餅糊為膏油紙裹旋丸如綠豆

大米飲下一九常服薑湯下

治小兒吐藥方

川當歸

洗剉

甘草

炙各一分

桂心

不見火

枳殼

湯浸去穢切麩炒黃

北

五味子

揀淨各半兩

右為細末每服一錢水七分盞煎至五分溫服大人亦可加藥末三錢水一盞煎七分服

雞舌香丸治吐

雞舌香

二箇

母丁香

七箇

附子

炮去皮臍

硫黃

水銀錫砂

子

各二錢

右為末糯米粥為丸如梧桐子大米飲化下一丸不

拘時

大戟丸治小兒大人吐

大戟

水略煮過焙乾為末

丁香

各半兩

膩粉

一錢研

水銀砂子

硃砂

各一錢半

右為末黃蠟半兩乳香皂子大用蠟同化為汁和藥

為膏旋丸如綠豆大每服三五丸小兒如黃米大二



三九熱吐研芝麻油水下冷吐煎丁香湯下驚吐煎  
馬齒莧湯下

沉香降氣湯治氣逆嘔吐蓋因乳母憂悶愁思慮或有  
忿怒之氣乳兒隨氣而上不能尅化故也當先解乳  
母去忿怒服五膈寬中散訖捻去敗乳服罷即仰卧  
一霎時令藥行入乳脉然後令兒服此藥乳母亦宜  
服

香附子

二兩  
半炒

沉香

二錢  
半

甘草

半兩  
炙

砂仁

半兩

右為末鹽湯點下量兒大小以意加減

水銀丸治小兒一切吐逆不止

一名香銀丸

水銀

結砂子半錢一方用半兩

丁香

葛根

各一兩

半夏

湯浸七遍焙一

錢一方

用半兩

右搗為末生薑汁和麴糊為丸如黃豆大每服三九煎金銀湯下更量兒大小加減服

乳香丸治小兒吐逆不定

乳香

研

丹砂

研

麝香

研

半夏

各半兩湯浸七次生薑汁炒令黃

右搗研為末麪糊為丸如綠豆大每服五丸米飲下  
量兒大小加減

治嘔吐不止

蓮心

二十箇

香附子

三箇

吳茱萸

七箇

丁香

七箇

右一處瓦上炒黃研為末以乳汁調塗乳頭上令兒

吮食

半夏散治暑伏熱生痰嘔吐中痞

半夏

五錢  
酢煮

赤茯苓

去皮

甘草

生各  
二錢

陳粳米

五十  
粒

右剉焙加生薑煎服不止調薑茹服

竹茹湯治胃熱嘔苦汁

青竹茹

如半夏七枚指半夏湯炮

粳米

四十粒乾葛三片

右剉薑煎大小以意加減

益胃湯治小兒胃虛身熱嘔吐不止

丁香 人參 桂心 阿膠

各等分

右為細末每服一錢水六分盞生薑三片同煎至四分溫服

藿香散治小兒嘔吐不定

藿香 丁香 代赭 甘草

炙微赤剉  
各半兩

右為散不計時以溫水調下半錢量兒大小以意加減

治小兒吐下後內虛氣奔上飲食而煩方

厚朴

六分 桂心四分 枳實三分

生薑

二分

右切以水二升煎至一升一合為三服

塌氣丸治嬰孩乳食不化腹急氣逆吐不止

巴豆

十片是五箇

胡椒

十粒

丁香

十箇

青橘

十箇湯浸一宿

不去皮瓶每箇

入豆半箇椒一粒  
丁香一箇綿纏定

右用釀米醋一椀煮青橘候乾了醋為度取出細切  
青橘同諸藥焙乾為末粟米糊為丸粟米大每服三  
歲五九七九七歲十九米飲下日三服

香朴散治嘔吐調冷熱

丁香

麥門冬

去心各半兩

厚朴

去粗皮塗生薑汁炙令香熱為度

人

參

去蘆頭各一兩

右為末每服一錢水一盞入生薑二片棗一枚同煎  
至五分去滓溫服

人參散治小兒吐逆

人參

末二分

丁香

末一分

藿香

末

甘草

炙各半兩

右和勻每服一字半錢飯飲下

輭紅丸治小兒驚大人吐逆

朱砂

信砒

各半兩強

胭脂

一錢

巴豆

七箇取霜

右鎔蠟少許油三兩滴和藥為劑以油單裹之大人

如綠豆大小兒如芥子大大濃煎槐花耳草湯溫下  
一九忌熱食半時

白餅子治小兒逆吐

白滑石 黃鷹條各一錢半夏一枚蛤粉半錢

右為細末薄麴糊丸如豆蔻大捻為餅子每服三

餅丁香湯下新生兒湯內研灌半餅

天台烏藥丸治翻胃吐逆腹內虛鳴

天台烏藥

醋炙或炒

半夏

各半兩

白薑

一分羊屎

十粒羊腹內者



右用文武火炒為末，鎔蠟為丸，如綠豆大，每服五丸，至七丸，紅酒下。

玉靈丸治小兒久吐逆

半夏 白麴

各一兩

天麻

半兩

天南星

大者一箇

右為末，薑汁化柳膠為丸，如黃米大，每服十丸，至十五丸，漿水煮四沸，以煮漿水下，如無漿水，以柳枝三兩煮之，亦妙。後服太醫局丁香散。

硫黃半夏丸治小兒吐逆不定，虛困生風。

硫黃

半夏

半兩湯浸洗七次

蝎稍

白附子

炮各一分

右為細末麩糊丸如綠豆大生薑米飲下

治嬰孩吐逆方

丁香

胡椒

半夏

乾薑

各一錢

右為末每服一錢生薑二片水一半盞煎至六分去滓溫服量兒大小加減

定生丸治小兒吐逆不定久必生風化痰和胃氣

半夏

一兩

胡椒

半兩同炒

蝎尾

半兩

乾薑

二錢

右為末薑汁糊丸如小豆大三歲三十九薑湯送下

### 食乳前

### 治傷食吐不止方

丁香

二十粒

巴豆

一箇去皮心膜出油

烏梅

二箇

縮砂仁

五箇

右搗和得所丸如粟米大每服二三丸煎藿香湯下

### 乳後服

### 長生丸治小兒吐胃冷清上實下補脾去痰

木香

半兩

枳殼

一兩去瓢麩裏煨

全蝎

二十箇去毒尖

半夏

二錢薑湯炮七

次檳榔

三兩不  
見火

右為末加入豆蔻縮砂丁香末各三錢再同上項藥末研令勻以飲和丸粟米大每服五十九空心乳汁飲湯下候半時方進乳食日三服吐乳食者胃中有冷也乳食不消化脾虛也大便酸臭氣者飽傷也此三項並宜多服長生丸妙量兒大小加減

枳殼桔梗湯治邪正交爭冷熱不調作為腹痛嘔吐

桔梗

去蘆

枳殼

去瓢  
楚炒

青皮

去瓢

陳皮

去白各  
五錢

右加木香三錢當歸粉草各五錢同為散每服二錢  
水一盞薑二片煎溫服

治小兒嘔乳方

蓮子心

七箇

丁香

三箇

人參

三寸

右為細末以綿裹妳指蘸妳汁付藥末在上令兒呷  
之

厚朴湯治小兒嘔吐不止

一名人參飲子

厚朴

去粗皮生薑汁製

人參

各一分

粟米

炒一合

右搗篩每服一錢水七分盞入生薑二片同煎至四分去滓分溫二服早晚各一更看兒大小以意加減一方用粗倉米煮絞汁與服百日半合一歲三服

丁香散治小兒吐逆不定

方見本門噦逆類一名丁香湯

麥門冬散治小兒吐逆

麥門冬

去心炮一兩

石膏

生用半兩

甘草

一分炮

右為散每服半錢量兒大小加減煎茆香根生薑湯

調下

丁香湯治小兒胃氣寒嘔吐不止不下乳食

丁香錢一胡椒錢一檳榔一枚

右粗搗篩每服半錢水一盞入白茆根少許同煎至三分去滓溫服不拘時量兒大小以意加減

掌中丸治小兒乳食即吐下不能水乳者

白豆蔻十四箇甘草半兩半縮砂十四箇

去殼

生牛炙

右為末逐旋安掌中令兒乾噉兒小乾糝口中

平胃丸治小兒吐乳養氣實胃

馬片子

生

白僵蠶

直骨

丁香

各等分

右為末煉蜜和丸如梧桐子大每服一九陳皮湯化下凡諸疾覺胃氣稍怯即服之

人參散治小兒胃中有寒多吐清水不能乳食

人參

半兩去蘆頭

厚朴

半兩刮皺皮塗生薑汁炙令香熟

陳橘皮當

歸

一分剉碎微炙

丁香

一分白朮

半兩

右拌藥搗羅為末每服一錢以水一小盞入生薑少許同煎至五分去滓不計時候量兒大小以意加減



服一方無人參厚朴陳皮

參半九治小兒久新吐

半夏

三錢

人參

三錢

藿香

三錢

甘草

半錢

丁香

十四箇

子

一箇煨  
去核

右為細末陳米作薄糊丸如麻子大每服百睥者十  
九至十五九半年一歲者可服三十九

人參散治小兒嘔吐不止心神煩悶惡食氣

人參

去蘆頭

丁香

菖蒲

各一分

右為散每服一錢水一小盞入生薑少許煎至五分去滓放溫量兒大小漸漸與服

不換金散治小兒吐逆

片子薑黃

草龍膽

各一兩

乾葛

一兩半

右為細末五歲以下小兒每服半錢用重帛裹藥在內以線扎定放入甜水半盞中慢火煎存三分溫服

藿香散治小兒吐逆

藿香

赤麴

各二錢

半夏

一錢薑汁製

右為末每服半錢南木香湯下木瓜湯亦得三服立止次用調中湯

調中湯

枳殼

二錢煮過

陳皮

半夏

人參

各一錢

右為末每服一錢水一盞薑棗煎六分服

治小兒吐逆不定方

丁香

四十箇

葛根

末一錢

半夏

七粒湯洗七次

右為細末用溫湯浸蒸餅為丸如黃米大每服十九  
煎葛根湯下不拘時候

油珠散治小兒吐

滑石

丁香

各赤

猪牙皂角

去皮用蜜炙  
黃色各一錢

右為末每服半錢用漿水半盞滴好油一點在漿下  
抄藥在油星上候沉下調灌之不拘時候

藿香散治脾胃虛有熱面赤嘔噦涎嗽及轉過度者

麥門冬

去心焙  
乾秤

半夏

炒

石膏

半兩

右加入甘草半兩藿香葉一錢同為末每服半錢水  
一盞煎至七分食乳前溫服

平胃散治吐逆頻併手足心熱不進乳食

紅麴

三錢半  
年久者

甘草

炙一錢

白朮

一錢半  
麴炒

右為末每服半錢煎麥子米飲

煨附丸治小兒積滯吐胸堂鬱結中脘痞悶氣不舒暢

聞噦嘔逆即吐宜服煨附丸溫中丸

黑附子

二錢  
末

丁香

五箇

右以水和附末裹丁香再用麴劑包於塘灰中煨熟  
去麴為末生薑自然汁丸如麻子大每服二十九  
煎薑棗湯下

半丁丸治小兒痰吐風壅所致或因感風痰盛咳嗽作  
熱煩悶神不安穩睡眠不寧可進飲食或因欲食飲  
食之即嘔蓋由風痰在膈飲食不下宜服此丸

半夏

半服者半兩湯  
浸洗七次為末

丁香

一錢  
研碎

右將半夏末水搜作劑包丁香再以麴劑裹煨令

熟去麩為末生薑自然汁丸麻子大每服三二十丸淡薑湯下昔李正字滯傳以治療多效

石膏脂散治小兒吐逆不止及霍亂吐瀉

一名真珠丸

石膏脂

一分一方  
用一錢

白滑石

二錢一方  
用三錢

右研細為散竹葉糯米湯調下一字止一方用生薑無竹葉

木瓜湯治小兒吐逆不止

木瓜

生者  
生薑皮  
不去

右各半兩切作片子水一盞煎至五分去滓量大  
小加減服

木香丸治小兒吐逆

木香末黑犬膽各一分

右以膽中汁和木香末丸如大豆大每服二歲以下  
粥飲化一九

滑石散治小兒吐逆

白滑石二錢黑魚膽乾者五枚



右搗研為散每服半字倒流水調下

麝香湯治小兒吐逆不止

麝香

一錢研

五靈脂

一兩為末

右拌勻每服一錢水酒各半盞煎至半盞去滓溫分二服量兒大小加減

硃砂丸治小兒乾嘔惡嘔吐不定

丁香 白朮 天南星

生薑汁製一宿炒焙

白茯苓

去皮

人參

去蘆頭各一錢

右伴為細末蒸餅和丸如黍米大硃砂為衣每服一十九煎生薑湯乳食前服

枳殼半夏湯治小兒嘔逆

枳殼

一兩去穢炒

半夏

一兩湯炮七次

右剉水一盞薑五片煎服

治小兒吐不定方

五倍子

二箇一  
生一熟

甘草

一握濕紙  
裹炮過

右同為末每服半錢米泔湯下

小半夏湯治嘔吐及風痰水飲

半夏

薑製五錢

茯苓

去皮三錢

右剉研薑汁入水煎服

人參散治小兒嘔吐不止

人參

一兩為末

丹砂

半兩研

右研勻每服半錢熱米飲調下量兒大小加減

肉豆蔻丸治嘔不止諸藥不效者

肉豆蔻

麩裏煨令香熟為度去麩不用半兩

丁香

一錢

右為末煮白麴糊為丸如芥子大量兒大小加減每服三五丸濃煎藿香柿葉湯下若大人加丸數亦用此湯加蝎以所煎湯作熱水飲之

藿香散治小兒嘔吐不定虛風喘急

藿香 白附子

各等分

右同為細末米飲調下一錢

草金散治小兒吐逆

爛大梔子

三箇 草烏頭

一箇

右同藏於小瓶內用泥固濟燒烟盡取出研細每服一字生薑汁下

醒脾散治小兒脾胃滯吐食并一切慢驚風大能醒脾如危困多睡餅飲調下一字至半錢止吐瀉亦效

大天南星

一箇重二錢以上者

硃砂一塊

如黃豆大

右以天南星熱湯浸七次開臍入硃砂用淨薄紙濕裹開地穴深四寸方圍八寸藥仰安穴內地上以黃泥餅盖用泥固臍以炭火於地上燒候火盡冷後

取研為細末入腦麝少許煎金銀薄荷湯下一字至半錢

治小兒吐逆方

薄荷 茴香

炒各等分

右為末生薑自然汁煮麪糊為丸如綠豆大每服十九至十五丸用薑湯下不拘時

醒脾散治小兒因吐胃虛生風胃氣欲脫

人參 天南星

各等分研

右為末旋抄每服二味各半錢冬瓜子三七粒水一  
盞半煎兩茶腳許不拘時通口服以胃氣生為度大  
人亦治之

腦香散治小兒

沒藥

一錢

樟腦

一字

右為末以藥熨其舌上

靈砂散治五種吐不問冷熱久而不止胃虛生風諸藥  
俱試不效者

以靈砂研作細末朱飲調下立效

治小兒飲乳後吐逆入腹即出方

用蘆節中蟲二枚煮汁飲之狀如小蚕凡小兒嘔逆與覓乳不同覓乳者飽後覓出者是也宜細詳之

藿香散治小兒吐

神麴

藿香

各半兩

丁香

一分

肉豆蔻

一箇

右為細末每服大者一錢小者半錢煎香楠木湯定驚止吐神效



治小兒嘔吐逆方

取壁錢蟲上錢幕二枚煮汁飲之狀似蜘蛛其幕如  
錢在閣壁間或呼為壁繭

紫朴散治小兒吐逆下膈和胃

取厚朴去粗皮以生薑汁炙令香熟為末每服一字  
或半錢米飲調下溫服

治小兒吐不定方

用乾薑炭火燒及八方研如粉每服一字至半錢以

蜜湯放冷調下立效

紫粉丸治小兒吐瀉大人

用針沙醋浸一夜辟去醋便帶醒炒候并銚子紅色  
無烟乃止候冷細研更用醋團火燒通赤取冷再研  
極細以麪糊圓如梧桐子大量兒大小與服粥飲下  
服訖更啜薑許粥如未定再服大人四十丸一服小  
兒隨大小為丸此藥極神異然吐有多端良方中有  
數法皆累驗者可參用之

治小兒吐止方

以香白芷為末每服一字煎茆根湯下淡甘草湯亦得

治小兒吐逆方

取舊缸上石灰不拘多少為末每服一字先油滴一點在漿內調藥灌下大人每服半錢

玉散子治小兒止吐不瀉腹中疾

以爛寒水石火煨為末三歲兒半錢薑水調下

大人參丸和脾止吐嘔治瀉青黃止腹痛多啼進乳食

方

丁香 木香

白朮

各半兩

藿香

一兩半

人參

二兩

右為末煉蜜丸如雞頭子大每服一九粟飲下

籛籛散治小兒初生吐不止

故籛籛篋

半兩

字牛黃

一黑豆

大細研

乳汁

一合

右將乳汁煎二味三兩沸去滓調入牛黃服效

茯苓散治胃寒嘔吐

藿香 甘草 人參 半夏 白茯苓 丁香

陳皮 各等分

右為末每服一錢藿香葉三片葱白一寸同煎服

溫中散治小兒腹脇虛脹嘔吐不納飲食

丁香 一分 訶藜勒皮 半兩 草豆蔻 三枚 桂心 一分 陳橘皮

三分去白 人參 半兩去

龜頭

右件藥搗細羅為散每服以粥飲調下半錢量兒大

小以意加減

觀音散治小兒脾胃氣弱嘔吐不痢困不省

人參

去蘆頭

白朮

冬瓜子

各半兩

天南星

一兩炮裂入地坑內

去火毒用

右件咬咀每服二錢淡漿水七分白扁豆五粒槌碎同煎至三分去滓溫服乳食前

土馬駿丸治小兒脾胃挾傷大吐不止

青礞石

四錢

水銀

各三錢細研同水銀結沙

乾漆

二錢炒青

烟鐵粉

木香

各一錢

右件為末銕黃蠟一兩半入麻油少許丸如麻子大  
每服五九煎土馬驢湯令沸入醋滴放溫送下乳食  
空

丁香平胃散治小兒胃氣虛寒逆上行胸膈不快大吐  
不定腹脹短氣中滿痞悶

附子炮去皮  
臍尖 丁香 木香 藿香葉去  
皮 沉香 枳

枳殼生薑拌去  
毛各一分 水銀 硫黃各分同水  
銀結沙 肉豆蔻五  
枚

麝香七  
枚 草豆蔻仁七  
枚 煨熟 肉桂去粗皮  
半兩

右件為細末煉蜜和為丸每一兩作四十九丸每服一  
丸生薑棗煎湯化下乳食前

救命丸治小兒心膈伏熱停乳食涎霍亂煩燥身體多  
噦逆不定大吐不時

黃藥 輕粉 乳香 大戟 一兩半漿水煮切焙 丁香 半兩 龍

腦 一分 粉霜 三分 水銀 一兩 黑鉛 一兩二錢 水  
別研 別研 二錢 銀研成沙子

右件為細末鎔黃蠟一分別研二兩入麻油數滴熬  
和丸如黃米大每服一歲兒一丸研生麻油馬齒莧



水送下吐逆煎馬齒莧丁香湯下乳食前

溫胃丸治小兒胃虛氣逆乾噦惡心胸膈痞悶嘔吐乳

食

丁香

二錢

肉豆蔻

二錢 麩 畏 煨 熱

木香

人參

去 薑

蓮子心

薏苡米

炒 黃 各 一 錢 半

右件為細末煮神麩糊為丸如黍米大每服二十九

溫熱水送下乳食前

二香丸治小兒胃冷停痰嘔吐不止

半夏

一錢湯洗去皮

硫黃細研

丁香

木香

滑石

各錢

右件為細末生薑汁煮麪糊為丸如黍子米大每服

二十九溫米飲送下乳食空

丁香餅子治小兒胃氣虛寒心腹脹滿噦逆嘔吐昏困

少力及泄瀉無度

丁香

六十枚

龍骨

分附子

一枚七錢者炮去皮

臍尖

藿香葉

去土一分

右件為末滴水為丸每一兩作五十九粒餅子每服

一餅子煎杉木湯化下不拘時候

山薊湯治小兒胃氣怯弱乾噦嘔吐精神昏困乳食全

減

人參

去薑

白茯苓

去皮

白朮

甘草

炙

藿香葉

去土各錢半

丁香

一錢糯米

一百粒炒令黃

白扁豆

三十粒

右件為細末每服一錢煎生薑湯調下乳食前空

紫神湯治小兒陰陽不和中脘痞悶涎盛嘔逆吐驚不

定

藿香葉

去土一錢

水銀

一錢

硫黃

二錢

同水銀結沙

丁香

二錢

滑石

錢一紅麴二錢

右件為細末每半錢乳食前用壁土湯調下

養胃散養胃氣快胸膈定噦逆止嘔吐美進飲食

丁香 藿香

去土陳橘皮去白

白豆蔻仁

縮砂仁

各等

分

右件並為細末每服半錢煎生薑秦湯調下乳食空

三神散治小兒痰乳停積煩渴喜飲嘔吐不定

乾葛一兩 甘草

微炙三錢

半夏

湯浸七次去滑一兩

右件為咀咀每服一錢水六分盞生薑三片青竹茹少許同煎至二分去滓放溫服乳食空

和胃膏治小兒虛嘔吐氣不升降胸膈噎寒漸成驚風

人參

去蘆頭

藿香葉

白茯苓

甘草

炙肉豆蔻

麩

煨枇杷葉

去毛薑汁熟炙香

舶上硫黃

細研入鐵銑將水銀一處研勻下以

微火溫之不佳手研攤沾在銑上去火候冷取下

水銀

同硫黃製度已上各一兩

右將前六味同為細末將硫黃水銀砂子先於乳鉢

內研細入諸藥同研勻煉蜜和成膏每歲兒服一  
九如梧桐子大薑棗湯下


白朮散治小兒嘔吐兼治冷痢常服此藥調理三焦大  
進飲食

白朮 丁香 肉豆蔻煨 陳皮 甘草

右等分為末白湯調下慢驚沉困冬瓜子煎湯下若  
見水即吐進藥不得吐止用棗子點藥乾喫

凡嬰兒百晷內或嘔吐乳或大便秘青者胃寒脾弱也

其證最為難治右用年少婦人乳汁一盞入丁香十枚  
去穰陳皮一錢磁器內煮十數沸去丁香陳皮稍熟與  
兒乳食前服嘔吐必止



普濟方卷三百九十四